

大同縣志

卷五 營建
卷六 關隘
卷七 郵會
卷八 風土

大同縣志卷五

營建

城池 衙署

驛站 舖遞

街坊 寺廟

祠祀 陵墓

倉儲

橋梁

官如傳舍興廢聽之於時此士大夫之過也若夫人其境而城郭完祠廟肅倉廩繕傳置無稽程行旅不病涉則長吏之無廢事也可知矣表厥宅里綽楔相望則風俗之茂美也可知矣况在衝途郵政綦重通商惠工橋梁尤要是以志及於此而不勝惶然也卷中芻蕘所及誠數年以來所惓惓於茲者君子信而後勞其民今將次第舉之益兢兢已

城池

明洪武五年大將軍徐達因舊土城增築周十三里高四丈二

大同縣志

卷五

營建

一

尺址砌以石牆甃以甃門四東曰和陽南曰永泰西曰清遠北曰武定門各建樓角樓四望樓五十有四窩舖九十有六西半屬大同前衛東半屬大同後衛西北角樓較益雄壯匾曰乾樓景泰間巡撫年富於城北築小城周六里高三丈八尺東南北門凡三東曰長春南曰大夏北曰元冬天順間巡撫韓雍續築東小城南小城各周五里池深一丈五尺東小城門凡三南小城門凡四嘉靖三十九年巡撫李文進加高南小城八尺隆慶間巡撫劉應箕增高一丈增厚八尺石砌甃包建門樓四萬曆二十年南小城北門樓改建文昌閣二十八年總兵郭琥甃甃女牆三十年巡撫房守士重修

國朝順治五年移鎮陽和大同廢不立官六年議移府治於陽和
移縣治於西安八年總督佟養量巡按薛陳偉合疏陳請復還
大同嗣是隨時補治乾隆十二年知縣謝廷俞詳請重修大城
南小城北小城二十八年知縣宋乾金詳請重修南關城門弔
橋基址大城女牆西門馬道弔橋南門西門二十九年重修北
門城樓三十九年知縣吳麟重修八角樓即乾樓洪字樓在乾樓東南
門城樓東門南門北門甕城現今城垣上存角樓四望樓十城
樓二十有一窩舖八

以上本府志之舊文自乾隆三十九年後因時小修亦未嘗無
之道光三年四月中輔承乏之初其時南門弔橋塌已經年五

大同縣志

卷五

營建

二

六月間與邑紳重修之道光七年北門弔橋亦壞復新之今秋
周厯城垣逐一丈量細察城工自前明迄今歷年久遠亟宜完
繕以資捍衛道光九年九月廿九日通詳請修詳稿附後

大同府大同縣爲通詳修理城垣事竊查卑縣城垣建自何時

無案可稽檢查舊卷有乾隆五十一年及五十七年前縣程令
并孫令各任內請修小東門門洞大城裡面週圍女牆暨東南
門甕城等工迄今四十餘載並未請修遇有小工雖經前任暨

卑職

及時捐辦無奈歷年久遠牆根臆裂磚石虧爛而本年秋季
雨過大致將大城裡外二面并週圍女牆土胎以及東關草廠
城甕城等處多有臆裂坍塌卑職親詣查勘四面大城羅城共

塌三十 段湊長二百二十七丈餘大城裡面週圍女牆共塌落一百 十段湊長一千一百二十餘丈週圍土胎共塌三十段計長二百二十七丈餘東關係土城緊靠玉河被北來山水將東北角冲塌三十七丈餘南面塌落土牆二段計長十丈五尺南關磚城週圍塌落四段共計長六十三丈餘梁口塌落三十一丈東小門門洞塌落草廠城週圍塌落五段共計長七十八丈女牆塌落一千一百丈週圍根脚護城臺塌落五十九丈若不亟時修理勢必坍塌愈甚將來修築需費更多且卑縣北臨口外地逼邊牆不特三關之藩籬且爲全晉之保障形勢最爲險要非雁門以內各州縣城牆可比必須詳請興修以資

大同縣志

卷五

營建

三

捍衛惟工程浩大

卑職

未敢擅便擬合具文詳請

憲臺察核可否俯賜委員查勘籌議會詳祇候批示遵行如蒙

批允

卑職

再將坍塌城垣逐段勘明樽節估計工料確數造冊

另文申送

衙署

縣署在城內東南隅明洪武九年縣丞張友仁勅建正統八年知縣張純增修萬曆三年知縣馬思恭建寅賓館二十二年知縣關揚建 倉於大門之外嗣後知縣魏寶增建旌善申明二亭

國朝順治十六年知縣孔化鳳重修乾隆三年知縣李 謙重修

三十六年知縣虔禮寶重修三十九年知縣吳麟增修

按府志
縣堂右

有主簿宅大門外
有新倉今並廢

縣署大堂五間中建煖閣匾曰帥正堂左爲東庫右爲西庫堂前捲棚三楹再前爲月臺中爲甬道甬道中四明亭一座懸掛聖諭十六條亭前三間爲儀門左曰東角門右曰西角門儀門之南又三間爲大門大門外列四楹大門相對爲康強逢吉牌坊前立照壁兩旁左右翼以榜棚各三楹卽古申明亭之遺意也大門內東爲快班房西爲壯班房儀門內東廊科房爲吏戶禮三科又有折糧房在東角門內大堂之東旁坐北向南三楹爲官庫大堂之西三楹爲承發西廊科房則兵刑工三科與東廊相

大同縣志

卷五

營建

四

對又皂班房在西角門內此大堂而外門亭承舍官吏治公之地也大堂以北則宅門宅門以內曰屏門中爲二堂堂下東西皆門房東院曰大廚房西院曰小花廳再西爲大花廳花廳之南院曰賞雨書屋花廳之北舩房三間曰書畫舫又進一院書房四間厦屋二間顏曰惜分陰軒最後一院爲浣香居士山房二堂後爲內宅門上房五大間東廂房三間西廂房三間宅後四方牆院爲蒔花對月之圃昔有亭今臺基尚存內宅東偏爲明體達用之齋其下皆羣房與庖福相接此宅門內之院落也蓋縣署自順治六年經姜逆之變移治於西安堡至八年乃復舊治故順治以前之規置文獻無徵不可得而知今所錄者據

現在言之

縣儒學署

見學校
卷中

縣丞署在縣署東前經裁缺雍正九年復設大門二門大堂三楹二堂三楹東西厦房內宅四間廂房二間乾隆二十八年縣丞甘延年新修乾隆四十年縣丞林昌湖重修今縣丞張從簡添建東書房一院植以花木

典史署在縣署東丞署之西乾隆二十八年典史徐廷錦重修乾隆四十年典史李祖周增修大門過庭一院上房一院東院小書房一間大堂三楹堂後花廳一院簷前翼以捲棚院中丁香二本老幹蒼勁枝葉扶疏花時香聞遠近爲塞北所僅有蓋

大同縣志

卷五

營建

五

二三百物也今典史章祝三護以朱欄故近年花事益盛

同城衙署

府署在清遠街之西明洪武九年同知陳則勅建以後時有修

建事詳府志

經歷司署舊在府署東南隅今移於府署之西卽向日雲中書院也今以舊經歷司署爲雲中書院規模創建煥然一新有碑文見藝文志

總鎮署在北大街之西明永樂七年建事詳府志

中營遊擊署在府治西舊係左營遊擊署康熙三十六年請添

中營改爲中營署乾隆二十八年重修 中營守備署在府

治西南乾隆四年置買民房改建

左營遊擊署在四牌坊東街路北舊係雲中書院遺址乾隆四
年詳請改建 左營守備署在鐘樓西街路北舊係分巡道

署空基乾隆六年詳請勅建

右營遊擊署在四牌坊西街路北順治二年建乾隆二十年重
修 右營守備署在四牌坊西街路北順治二年建乾隆三
十五年重修

前營都司署在縣學雲路街路北雍正十三年添設前營置買
民房改建 前營守備署在鼓樓西街路北雍正十三年添
設前營置買民房改建

大同縣志

卷五

營建

六

中營左營右營前營千總把總等官向未設立衙署現各賃居

民房

各堡汛衙署

得勝路叅將署在得勝堡內

得勝守備署在叅將署東北隅

聚樂城千總署在聚樂城

拒牆堡把總署在拒牆堡

鎮川堡把總署在鎮川堡

鎮羗堡把總署在鎮羗堡乾隆二十六年移駐豐鎮所遺把總
署外委居住

宏賜堡把總署在宏賜堡乾隆三十四年移駐四美莊所遺把總署外委居住

鎮邊堡把總署在鎮邊堡雍正十年建

原設衙署

提督學院行署在太平樓西北每逢寅申己亥之年合大朔兩郡之生童連棚按試科歲相接爲通省歲考之終卽通省科考之始故院署規模宏敞道光七年復添建東院書房三間從房二間益稱備焉

巡撫都御史臺署舊在府治東今廢

巡按察院署舊在代府東今廢

大同縣志

卷五

營建

七

糧儲戶部署舊在府治東今廢

分巡道署舊在府治東今廢

行都司署舊在代府東今廢

大同前衛署舊在府治東今廢

大同後衛署舊在府治東今廢

街坊

城內以四牌樓十字街爲適中之地街曰四面建坊東曰和陽街西曰清遠街南曰永泰街北曰武定街大書坊額

鼓樓在永泰街正中明時建

國朝順治年修乾隆二十七年重修

鐘樓在帥府街明時建

國朝乾隆二十六年重修

太平樓在學院行署東南明時建上有嘉靖年諭碑

國朝康熙四十二年知縣周全功修乾隆二十八年知縣宋乾金

重修道光六年重修上祀 奎宿朱衣下鐫科甲題名石前太

守王志灑記

凌雲閣在縣治東南明天啟間知縣王象雲建

鴈塔在城東南垣上

盡忠言事坊

為御史李植立

大中丞坊

為巡撫蔣應奎立

昭代名臣坊

為大學士王家屏立

世督三雲坊

為總兵焦澤子焦承勲立

大同縣志

卷五

營建

八

烈婦坊

為烈婦王氏立

桂林繼美坊

為宏治乙酉賈瑄立

太僕坊

為少鄉李植立

總憲兩浙坊

為浙江按察使李承式立

司馬崇褒坊

為贈兵部郎中李滿立

桂籍傳芳坊

為嘉靖乙酉張鶴立

祖孫父子兄弟元戎坊

為總兵麻承勲麻承恩立

總鎮昌雲坊

為總兵李熙立

紫誥貽贈坊

為贈職方司郎中覃環立

黃甲題名坊

為嘉靖乙丑覃應元立

碧海登龍坊

為嘉靖辛卯任中立立

解元坊

為正統甲子郭紀景泰丙子劉道成化乙酉黃芸宏治辛酉李翰臣嘉靖壬午張憲萬歷乙酉王濬初庚子馬

呈德乙卯陸敏學立

鍾英坊

為宣德己酉段徽立

冠倫坊

為宏治己酉李敏立

進士坊六

為正統乙丑孫祥成化己丑徐傑戊辰牛

通宏治壬戌劉安嘉靖丙戌蔣應奎丙辰王川中李承式立

父子登科坊

為嘉靖甲辰任中傑丙午任服休立

橋梓聯芳坊

劉安 為宏治乙卯立

奉天誥命坊

使溫自學立 為贈山東按察

五代一品坊

贈三代孫鎮孫鵬孫經立 為總兵孫國臣子孫仁誥

經魁坊

何廷魁 為萬曆辛丑立

世科坊

叔王從義 為王用中立

經元坊

宏治乙酉齊魁立 為成化丙午張寧

世科坊

成化丙午段繼立 為宏治壬子王宣

賓賢坊

午許濟立 為成化丙

登科坊

酉馬謙立 為成化丁

武允文光坊

午柴英立 為宏治戊

舉人坊五

治辛酉何洪甲子楊 為成化辛卯牛通宏

繼芸嘉靖乙酉段璠蔣應奎張鶴萬曆丙子張葆張宗儒立

鄉貢進士坊

端立 為李

登第坊

酉張振立 為正統辛

大鴻臚坊

齊政立 為少卿

繼武坊

齊佑立 為少卿

飛騰坊

午郭宸立 為成化甲

步天梯坊

午齊魯立 為成化甲

雲程坊

酉南昉立 為成化丁

大同縣志

卷五

營建

九

譽髦坊

子楊端立 為成化庚

登雲坊

子李亨立 為成化庚

鳴鳳坊

張伯達立 為成化癸卯

騰蛟起鳳坊

卯柳芳立 為成化癸

解元進士坊

李翰臣立 為正德戊辰

豸繡坊

史李翰臣立 為山東道御

麟經坊

酉傅巖立 為宏治辛

孝行坊

焦鑑立 為生員

大中丞里坊

溫景葵立 為順天巡撫

精心奉國世德承恩坊

使張爾 為布政

基同姪順治辛丑進士張于德立

烏臺登俊坊

史溫景葵立 為福建道御

鴈塔遴英坊

溫景葵立 為嘉靖戊子

孝義坊

室江村立 為明代藩宗

孝行坊

溫鉞立 為孝子

少司馬坊

蔣應奎立 為兵部侍郎

旌表忠義坊

道何廷魁立 為遼陽兵備

黃甲重光紫綸洵錫坊

王用中 為主事

姪巡撫王從義立

庚辛聯捷喬梓承恩坊

公何廷 為忠愍

魁立

雲岡先鳳坊

為宏治甲子楊繼芸立

七奉天綸坊

為總兵李懷信立

撫育恩深坊

為巡撫劉遵憲生祠在東關立

忠烈坊

為忠臣何廷魁烈婦金氏高氏立

貞節之門坊

為齊景才妻焦氏立

旌表貞節坊

為節婦衛氏立

烈婦坊

為楊月斗妻梁氏立

節婦坊

在鼓樓南街為彭劉氏立

貞節坊

在小巷口為節婦劉柴氏立

節孝坊

在武廟街為節婦宋郝氏立

以上坊表府志所謂與人物選舉列女相表裏者也故皆註為某人立其廟宇衙署各坊例可不書

祠祀

先農壇在城南門外迤東

大同縣志

卷五

營建

十

國朝雍正五年知府許惟訥知縣萬承芩奉文建正殿五間中供

先農神牌東西配房各一間殿前為壇廣二丈五尺高二尺一

寸圍牆二十四丈高八尺各壇制同壇前藉田四畝九分歲二

月亥日致祭各官穿朝服祭品羊一豕一帛一鋤一籩豆各四

簋簋各四祭畢易蟒袍補服知府秉耒佐貳執青箱知縣播種

九推丸返農夫終畝官率耆老望闕行三跪九叩首禮藉田

米粟收貯正房西間以供各祭祀粢盛之用

社稷壇舊在廢代府城內西南隅康熙十三年知縣王業昇改建

南門外每歲春秋上戊日致祭祭品帛二俱黑色羊一豕一鋤

一籩豆各四簋簋各四與先農壇同

風雲雷雨山川城隍壇舊在廢代府城內社稷壇之東康熙十三年改建北門外迤東壇設三神位風雲雷雨居中山川居左城隍居右制帛七風雲雷雨帛四山川帛二城隍帛一祭品陳設行禮與社稷壇同近年奉文改稱神祇壇

厲壇在北門外迤西卽古天王寺廢址正殿三間東壑二間東樓一間東房二間西官廳一間圍牆三十二丈高一丈每歲清明日七月望日十月朔日祭無祀鬼神迎城隍神主之

文廟詳見學校

關帝廟在鼓樓東街創建無考元泰定間勅降封號紫石小碣今不存明景泰嘉靖隆慶萬厯間相繼增修俱有碑記

大同縣志

卷五

營建

十一

國朝康熙三十二年重修乾隆二年知府屠嘉正知縣李柏謙增建饗殿三十八年知府吳輔宏知縣虔禮寶重修壁間有明巡撫翟鵬謁廟詩碣道光九年重修

文昌祠在府學北獅子街明萬厯十一年巡撫賈應元建有碑記國朝康熙二十三年知府周夢熊知縣朱作霖修乾隆三十八年又修其在府治東南者曰開花寺詳見寺觀

府城隍廟在城東北有前明洪武三年定稱府州縣城隍神詔碑嘉靖三十三年代府修潞城王充焜撰文隆慶五年重修郡人張應武記

國朝順治十八年知府蔡永華重修康熙三十七年雍正三年乾

隆三十四年屢修

縣城隍廟在縣治東乾隆六年知縣李柏麟重建

龍王廟在鎮署西雍正五年奉文建

風神廟在龍王廟西

河神廟在東門外河岸乾隆四十六年知縣傅修建

以上祠廟皆有闕祀典雖營建興修亦有土民任之如民間
寺廟者然國之大事在祀固營建之不容緩者也

倉儲

大有北倉在城內東北隅倉廩三十四楹舊貯預備軍需穀石
向係知府經管乾隆二十八年知府嘉祥三十一年知府史

大同縣志

卷五

營建

十二

奕瓌先後詳准歸併大同縣管理昔年貯穀極多內有以米
折穀四萬餘石又貯客兵豆一萬九千餘石自乾隆四十年
間定議以十萬爲率米豆皆不貯爲經久計也現除平糶及
鄉借外貯穀八萬餘石

大有東倉在城東南隅明宏治間督餉郎中歐信增置倉廩一
十八楹現今東倉內實貯常平倉定額穀二萬石

倉

按大有東
倉卽常平

社倉穀二千三百八十八石三斗三升五合

義倉穀一千四百五十七石六斗九升

按社義二倉自嘉慶四年奉文里民社長副經收無庸官

吏經管每年查明結報

橋梁

興雲橋在城東關外跨如渾水上亦名玉河卽名橋爲玉橋蓋自元魏以至於唐率皆造橋以通行旅歲久沿革不復可詳金天會中留守高慶裔重建不一年而廢圯後三年居民高居安葺完之宇文虛中記大定中留守完顏褒重修邊元忠記元至大三年重修十二年復圯泰定元年河東連帥圖綿重建立石柱二十有四植欄檻表門闕飾神祠官舍之屬題曰興雲之橋學士虞集記明成化十三年巡撫李敏增修劉翊記萬曆八年總兵郭琥拓故基而更創之下環十九甃

大同縣志

卷五

營建

十三

上可容方軌高三丈餘東西長百餘丈南北濶十餘丈翼以石欄仍曰興雲橋三十四年總兵焦承勲叅議楊一葵重修巡撫翟鵬記

國朝康熙乾隆年間亦時有修葺至嘉慶六年十年大水傾圯興雲橋之宜亟修也執塗人而問焉皆知之遷延幾三十載卒無起而任之者詢之士民則以嘉慶初年袁太守曾修之甫成而圯於水近曰山沙冲塞河身益淺漲溜益急往者覆轍之戒可鑒也此固熟悉情形之論而亦未盡然憶昔家居時吾郡東門外文昌橋跨河爲梁與此極相似旋修旋圯興廢亦同幾疑修橋之無善策嘉慶甲子_予同榜解元黃君_旭

深思沉慮洞微識遠諗於衆曰吾今而知橋之毀皆毀於石耳凡言橋工者但顧其外之觀瞻其內之石料工人謂之囊裡但求其實而已矣長短不齊方圓不一始也藉石灰以相鎔固石縫之中水性迸流朝夕滌蕩日久而中之巖隙日開長短方圓之石自相墊動一遇猛水其能敵乎今欲修橋必先謀石如壘石一層平鋪若干塊則必每塊之長短方厚一律整齊皆無絲毫之參差而後可使此一層石併之而成一塊蓋四面斧鑿之平無毫髮之欠缺而後能併成一塊如天衣之無縫也再疊一層亦如之自下而上一縱一橫其長短無分寸之不齊其厚薄無絲毫之不均又於兩石相接處復

嵌以鐵錠望之若無縫者然卽有縫也亦無纖微之隙可乘雖有急漲奚能貫入其中以相滌蕩也乎故工先審慎而用貴選材入山採石必預算四面琢削至極平極光之後而其尺寸綽然有餘夫而後則無棄材無枉工徑丈之石但有一線之缺陷寧舍之勿用也試觀天生孤石撐立河中自古至今不能爲流水所轉移者何也其質堅故其用完其體固故其力專今使橋墩之石縱橫若干層而自上至下聯而爲一而無隙可乘其與此寧有殊哉彼長短不齊方圓不一顛倒錯亂於其中者其不能禦水也固宜而興工之初製水櫃下水樁尤爲吃緊下樁用木擗

南方用松木
北方用杆木

謂能耐久不知木

性未有不朽者朽則虛耗而下陷矣應用澄淨石灰堅築以代木檣謂之梅花樁可與天地同終古顧經費之需十倍於遑昔聞者難之然而一簣之覆可以爲山千腋之集可以成裘凡公舉固有賴於捐輸第捐輸雖多終爲有盡之用當謀其無窮無盡者則工程雖大而無不成之憂何謂無窮無盡蓋吾郡城市外鎮日中交易惟稻菽麥麻雜貨菇餅即大同之蘇粃之貿易爲最多每石南方一石北方不過四五斗取錢不過三五文在本

人則施之而不以介意而在公局每日集幾千萬人之市彙而聚之則見其多矣水流而不已物生而不窮者此之謂也吾郡之橋所以成功者率賴於此今垂三十年而橋之堅好

大同縣志

卷五

營建

十五

如故是故易曰君子以作事謀始黃君字東塢修橋後己已成進士官翰林院編修予才遠不逮東塢而深服其碩畫之精智周而慮密故備書其顛末以爲邑士民導以先路焉爾道光九年十一月朔黎中輔記

又聞袁太守當日正橋並未傾圮因東西兩岸河身日見寬廣人苦病涉故集士民會議添建橋尾以接正橋又向日上流三里許河心建有破水墩至袁太守修橋時以爲無用故毀之是以橋尾橋身同時而圯此可爲長太息者也夫山沙下壅河身日淺水勢汎濫此事理之常但於上游挑濬使水歸中溜漕道深通則兩岸自無泛溢之虞卽或水不歸漕但

作壩以堰之則水必盡由中流而下東西兩岸安所用其橋尾其計迂而且拙至破水墩所以殺上游之水勢也蓋白口外入境奔騰二三百里其力猛烈前人作破水墩以扼之而其力弱矣蓋所以護橋者也奈何毀之况聞東岸舊設水卒二十名每逢雨後卽專工挑挖其法最良其意甚善前人蓋逆料後世中溜必被淺塞泛水必溢兩岸是以令水卒專工挑濬使守其道而行之何至有後來之患撤去水卒不知何時此事與毀破水墩同一失算當時董工糾首諸人貽悞於地方者大矣

今日興雲橋傾圯破敗至於此極已然遂謂其不可復修亦

因噎而廢食者耳察其傾圯之由未嘗不因囊裡之石長短不齊方圓不一之所致也故橋無不可修但必依前說選料督工之法倣而行之庶可一勞而永逸然而頗有疑之者一曰集費難二曰得人難不知皆無難也試以得人言之人身耳目之司手足之使皆聽命於一心惟其心有精敏靈妙之運故耳目手足各如其意之所自出古之成大事者不必事身身親而隨材器使自可收功而無難又何疑於是至於經費之畧前已備悉言之不過慮及於人心之渙散與人事之阻滯是以曰難耳不知地方要務必先立章程公爾忘私國而忘家則人心悅而羣情服事無不舉而功無不成此理

不可易者也

郡城之脉由西北而來亥龍也而玉河水自東北方入大有六壬趨艮之妙興雲橋立於震方將三面沙水收束完密作用幾於神化武周川至城南而爲十里河內遮外攔有欲如是而卽如是者城南北嶽廟亦妙不可言其有益於郡城者不在興雲橋之次若再於智家堡村後小阜之上建迴瀾閣或觀瀾亭必使勢可凌雲則一路岡巒水脉添十倍精神矣又於小南頭之南艾家莊之北擇其高爽之處建一七層寶塔其西岸洲渚蜿蜒於河中者分明天造地設有順流逆挽之勢建一寺院可也如此培植風脉則地靈人傑操券而必

大同縣志

卷五

營建

十七

耳其絕大關繫者尤在於興雲橋蓋造化之鼓鑄通神入化而留此一分以待人功淺近者不過以爲利於行旅而不知人心風俗文運物產皆攸賴焉稽考舊聞橋創於北魏之初其時卽建都平城物華天寶焜耀宇宙迨遼金元皆爲西京路其盛可想近今二三百載橋成之日則地氣熙豐人才炳蔚一自橋圯之後而氣象蕭索日見其甚故挽回之機惟在於此是以不憚言之煩與詞之俚深有望於士民之共堅其志焉耳長至月朔日中輔再記

金湯橋在西關卽甕城門外之弔橋也碑存

普渡橋在草廠城外西南明萬曆年建碑字剝落

府志

樂安橋府志謂距城六十里跨桑乾今其基全泯其地不傳
東新橋西新橋二橋亦跨桑乾今廢

古定橋府志亦謂跨桑乾明洪武時縣丞劉炳建今廢

普濟橋跨桑乾在補村北譚頭南明嘉靖二十年署中路府李
濬捐修鐵索八條每條重七百餘觔長一十八丈河北穿鑿
石崖蟠繫木檁河南架以大木壓以巨石所謂鐵繩浮橋者
此也歷有年所幾經補修至今春秋河水開凍往來行人賴
占利涉焉

龍門橋在普濟橋東十里許兩崖岩崖險逼河水收束居人解
銘等鑿石中流上爲輿梁下穿三洞嘉靖間巡撫侯鉞題曰

大同縣志

卷五

營建

十八

小龍門萬曆間征西前將軍大同總兵官李東暘分巡兵備
道提刑按察司韓取善共勒石曰塞北龍門今雖廢圮一洞
尚存府志與普濟橋混而爲一誤矣

神泉橋在城東相距百里而遙下開一甕上翼石欄創建年代
不可得聞明天啟五年已屬重修

甕卽俗言橋洞
如甕城之甕

驛站

一額徵驛站銀一千四百九十七兩四錢三分二釐

又地丁正項留支銀四百五十三兩六錢

二項留支銀一千九百五十一兩三分二釐

一於四月二十八日在額徵地丁項下留支春夏二季分驛站

銀九百七十五兩五錢一分六釐

一於十一月二十九日在額徵地丁項下留支秋冬二季分驛
站銀九百七十五兩五錢一分六釐

二項共銀一千九百五十一兩三分二釐

大同縣甕城驛稍衝

原額馬四十匹於康熙三十五年分一件詳請量減等事欽奉

上諭令尚書馬 酌量安設驛站案內撥協渾源州馬四匹山陰縣

馬六匹五寨縣山岔堡塘站馬一匹山陰縣岱岳站馬六

匹又於雍正七年分一件沿邊口外均應照例添設驛站

以便文移以重軍務事案內撥安大同塘站馬五匹秀女

大同縣志

卷五

營建

十九

村塘站馬四匹又於乾隆十年分一件循例詳請等事豐

川鎮寧寧朔懷遠四衛所駐劄口外緊要事件恐致遲悞

請照口外各協廳安設馬遞之例案內撥協豐鎮廳馬六

匹共撥協馬三十二匹夫十六名外

甕城驛現設馬八匹每匹日支草料等項銀八分四釐四毫夫

四名每名日支工食銀三分一歲應支工料銀二百八十六

兩二錢七分二釐內除小建六日扣銀四兩七錢七分一釐

實支銀二百八十一兩五錢一釐

甕城驛排夫二十名每名日支工食銀三分七釐九毫零一歲

額支工食銀二百七十三兩

一本縣官支銀四百一十四兩三釐

一餘留支銀九百七十七兩七錢五分七釐全數抵支大同聚樂二軍站夫馬工料并廠夫工食另冊報銷

大同縣大同軍站極衝

原額馬七十匹內雍正七年分一件沿邊口外均應照例添設驛站以便文移以重軍務事案內撥安大同塘站馬七匹又於乾隆二十八年分一件飭知事晉省南路差務繁多驛馬不敷供應經

前撫憲明 摺奏奉

硃批如所議行欽此案內撥協平定州甘桃驛馬十三匹永濟縣河

大同縣志

卷五

營建

二十

東驛馬八匹外

大同軍站現設馬四十二匹每匹日支草料等項銀九分九毫馬夫二十一名每名日支工食銀三分五釐共歲支工料等項銀一千六百三十九兩八釐內除小建六日扣銀二十七兩三錢一分六釐八毫不支外實支工料等項銀一千六百一十一兩六錢九分一釐

廠夫三十名每名日支工食銀二分七釐七毫零共歲支工食銀二百九十九兩二錢七分七釐內除小建六日扣銀四兩九錢八分八釐不支外實支工食銀二百九十四兩二錢八分九釐

聚樂軍站極衝

原額馬七十匹於康熙五十四年分一件欽奉

上諭事散秩大臣祁里特議奏大兵駐劄布喇漢布魯特口忒蘇札巴漢空格等處一應申報事件甚多驛站甚屬緊要案內撥協殺虎口馬十匹又於雍正七年分一件沿邊口外均應照例添設驛站以便文移以重軍務事案內撥安聚樂塘站馬十匹又於乾隆二十八年分一件飭知事晉省南路差務繁多驛馬不敷供應經

前撫憲明 摺奏奉

硃批如所議行欽此案內撥協壽陽縣壽陽驛馬十匹外

大同縣志

卷五

營建

二十一

聚樂軍站現設馬四十匹每匹日支草料等項銀九分九毫夫二十名每名日支工食銀三分五釐共歲支工料等項銀一千五百六十兩九錢六分內除小建六日扣銀二十六兩一分六釐不支外實支工料等項銀一千五百三十四兩九錢四分四釐

廠夫二十名每名日支工食銀二分七釐七毫零共歲支工食銀一百九十九兩五錢一分八釐內除小建六日扣銀三兩三錢二分五釐不支外實支工食銀一百九十六兩一錢九分三釐

以上二軍站夫馬併廠夫共歲支銀三千六百九十八兩

七錢六分三釐內除小建六日扣銀六十一兩六錢四分
五釐八毫不支外實支工料等項銀三千六百三十七兩
一錢一分七釐在於驛站裁減撥給銀內領支

聚樂塘站現設馬十二匹內本驛站撥來馬十匹永濟縣撥來
馬二匹內十匹每匹日支草料等項銀九分九毫二匹每匹
日支草料等項銀九分七釐三毫馬夫六名每名日支工食
銀三分五釐共歲支工料等項銀四百七十二兩八錢九分
六釐內除小建六日扣銀七兩八錢八分一釐六毫不支外
實支工料等項銀四百六十五兩一分四釐四毫

東三十里舖塘站現設馬十二匹內撥來鳳臺縣馬六匹屯留

縣馬六匹每匹日支草料等項銀九分八毫馬夫六名每名
日支工食銀三分共歲支工料等項銀四百五十七兩五分
六釐內除小建六日扣銀七兩六錢一分七釐六毫不支外
實支工料等項銀四百四十九兩四錢三分八釐四毫

大同塘站現設馬十二匹內撥來大同軍站馬七匹甯城驛馬
五匹內七匹每匹日支草料等項銀九分九毫五匹每匹日
支草料等項銀八分四釐四毫馬夫六名內三名半每名日
支工食銀三分五釐二名半每名日支工食銀三分共歲支
工料等項銀四百五十二兩八分八釐內除小建六日扣銀
七兩五錢三分四釐八毫不支外實支工料等項銀四百兩

十四兩五錢五分三釐二毫

秀女村塘站現設馬十二匹內撥來平魯縣馬八匹甕城驛馬四匹每匹日支草料等項銀八分四釐四毫馬夫六名每名日支工食銀三分共歲支工料等項銀四百二十九兩四錢八釐內除小建六日扣銀七兩一錢五分六釐八毫不支外實支工料等項銀四百二十二兩二錢五分一釐二毫

以上四塘站夫馬共歲支銀一千八百一十一兩四錢四分八釐內除小建六日扣銀三十兩一錢九分八毫不支外實支工料等項銀一千七百八十一兩二錢五分七釐二毫

大同縣志

卷五

營建

二十三

舖遞

縣屬舖遞一十有一
總舖遞一正南路舖遞五東南路舖遞五

總舖在縣署迤西

七里村舖城南七里

肥村子舖城南二十七里

毛家皂舖城南三十七里

灰河子舖城南五十七里

小長城舖城南七十七里
南接應州三門城舖一十三里

寺兒村舖城東南十二里

羅家莊舖城東南二十七里

南留莊鋪城東南四十二里

古定橋鋪城東南六十里

西浮頭鋪城東南七十里

東南接渾源州
圪坨鋪十里

附
寺廟

關帝廟在都司街一在縣角名 勒馬關帝廟明萬曆二十四年
建崇正末燬於兵燹

國朝順治十五年重建康熙十八年知縣費恒增添建抱廈乾隆
二十一年二十八年相繼修葺道光五年重修一在府署西南
一在西箭道一在帽鋪衚衕一在南紅門東名倒坐關帝廟道
光四年重修一在東紅門外嘉慶二十四年重修

大同縣志

卷五

營建

二十四

觀音殿在和陽街一在鼓樓東街一在西箭道

金箔庵在九龍壁西

東嶽廟在縣治東明季代府建

國朝康熙八年知縣郝文啟修乾隆三十八年重修省志載縣治

東有龍翔宮今未審所在疑廟卽 故基也道光七年重修

太平寺在和陽街太平樓東或云卽勸忠祠遺址道光六年重修

三元宮在廣府街順治十七年道士賀太寧建卽明廣府樓舊基

也內有鐵佛三尊相傳河水湧出舊在東關三官廟姜瓖變廟

毀移像於此事見教授馮雲驥碑記道光五年重修其在天主

廟西三靈侯廟東與在秋家井者俱名三官廟

永昌寺在廣府街

海藏寺在東紅門外嘉慶十年重修嘉慶二十四年又修

清泉寺在東紅門北道光八年重修

慈雲庵在塔寺街西嘉慶二十一年重修

武成王廟在城東北祀周師尚父以歷代名將配焉康熙二十二年總兵鮑敬三十八年總兵俞益謨乾隆十七年總兵張乃義相繼修葺

龍王廟在十府街道光八年重修

普興寺在城內東北隅明崇正三年修

國朝乾隆二十年重修

大同縣志

卷五

營建

二十五

清涼寺在北寺東嘉慶二十二年重修

北寺在城東北漢明帝時建府志作明建誤舊名通光寺

國朝雍正六年後殿燬乾隆二十一年重建前殿更今名道光八年重修

孫祖廟在武定街西道光二年重修

眞武廟在王城街明代府遺址

三大士在武定街奎樓東

天尊廟在縣學東北

宏濟寺在城內西北隅

興教寺在戶部角南乾隆十九年修

玉皇閣在鎮署東偏明代府建

火神廟在玉皇閣西道光九年新修

鄴侯廟在府治東南康熙四十一年知府葉九思建乾隆三十四年重修

朝陽寺在西紅門北中有鐵佛像明宏治十八年鑄或云掘土得之建寺

準提庵在西紅門東康熙三十五年重修有碑記一在城東北隅開化寺在府治東南原爲佟公祠順治十年建十五年知府蔡永華移佟公像於後樓其前殿別塑文昌像更今名康熙初秀水朱彞尊撰記今寺無此碑

大同縣志

卷五

營建

二十六

圓通寺在西紅門南康熙二年建乾隆十四年重修

青龍閣在西紅門南

大華嚴寺在府治南少西東向臺崇數十尺上構大殿高亦如之俗謂之上寺其地舊名舍利坊遼清寧八年建寺奉安諸帝銅石像者也舊有南北閣東西廊像在北閣下已失所在明成化元年代府修潞城王遜焯記萬曆崇正間相繼修葺

國朝康熙十二年總兵何傅知府孫魯重修殿左有沙門覺同書釋迦成道記碑前有八角石柱上鑄佛頂尊勝陀羅尼幢蓋遼太康間物也寺之東南爲薄伽教藏亦壘石爲臺基稍庳俗謂之下寺遼重熙七年建保大間燬於兵火僅存齋堂厨庫寶塔

經藏泊守司徒大師影堂見金天眷三年重修碑記元至元間
寺僧慧明重修明洪武三年改大殿爲大有倉二十四年卽教
藏置僧綱司復立寺崇正四年毀五年督餉戶部周維新巡撫
張廷拱總兵楊茂春重修郡人覃光裕記

國朝雍正六年應州知州章宏捐貲重修乾隆八年又修

三靈侯廟在城西南棋盤街本三教寺乾隆十二年改建省志云
三靈侯者孚靈侯唐宏字文明威靈侯葛雍字文樂泱靈侯周
武字文剛胥周厲王臣宣王時治兗有惠政沒加侯封宋眞宗
因其靈應賜號三原眞君

太寧觀在鼓樓西街遼時建舊名湛然壇九眞堂明初改爲大同

大同縣志

卷五

營建

二十七

縣治洪武十年復爲三清宮更今名置道紀司成化嘉靖萬歷
崇正間屢修之

國朝順治十八年道士許和太募修教授馮雲驤記嘉慶五年重
修知縣張儲記

郎神廟在太寧觀東

聖母廟在城西南明萬歷四年代府勅建郡人張應武撰文溫景

葵篆額李承式書

國朝康熙三十七年重修乾隆十六年三十八年再修一在和陽
街乾隆三十四年重修一 太寧觀東

賜福庵在棋盤街嘉慶十五年重修

天涯寺在上寺巷南口

太極宮在太寧觀南

善化寺在南紅門西唐開元間建賜名開元石晉初改名大普恩寺歲久廢金天會戊申釋圓滿重建皇統三年二月宋朱弁撰記弁至金築館三年庚戌十月冬遷寺中凡十四年內有銅鐘後唐清泰三年丙申鑄明易今名萬曆四年總兵郭琥改造郡人張時中記四十四年代宗充鈔總兵王威等重修郡人張爾基撰記王從義篆額何廷魁書崇正六年又修

國朝乾隆五年知府盛典重修三十五年又修俗名南寺

靈感白衣寺在南紅門西嘉慶十年重修

大同縣志

卷五

營建

二十八

馬王廟舊在北關康熙八年總兵彭有德改建猪市口四十二年修雍正十三年知府范瑤重修乾隆六年知府盛典知縣李柏謙又修一在前道角

七佛寺在南紅門東明萬曆間代府建

國朝乾隆十五年重修

魯班廟在南紅門東

吳道子廟在魯班廟東

新寺在城東北明時建久廢甄塔存今其地名塔寺街

勸忠祠在城東順治間總督佟養量建祀戊子變一時死事諸臣

安輯祠在城東祀明巡撫蔡天祐

以上二祠廢

南堂寺在城東南隅後魏天安元年建名永寧寺構七級浮圖高三百餘丈爲天下第一舊志云當時有金玉像高一丈八尺外有九級浮圖高九十餘丈上剎復高十丈鈴鐸聲聞十里後改今名元初重修劉秉忠遊雲中留居於此今廢

以上本城

眼光寺在北甕城

關帝廟在眼光寺南一在南關小西門外

玉虛觀在城北新城內明景泰四年建嘉靖甲寅西路叅將葉宗增建玉皇殿郡人毛鳳撰記蔣應奎書明嘉靖三十一年代府修葺長史高壁記殿有落星石

大同縣志

卷五

營建

二十九

國朝乾隆三十六年重修

岳武穆廟在東甕城康熙二十七年郡人高鼎重修道光九年知府崔允昭捐俸重修

五嶽廟在東門甕城內建始無考明萬曆四十四年代府增修郡人張爾基記

國朝順治十六年重修乾隆八年三十二年繼修道光七年重修三官廟在東關北園建始無考明天啟五年道士桑常慧重修樂府鎮國中尉朱鼎銑撰記輔國中尉鼎淦篆額代府鎮國中尉廷雅鐫刻

國朝康熙五十五年雍正九年乾隆七年三十年屢修

龍王廟一在北園一在南園一在下河一在南關小西門一在下關一在西關

華嚴寺在城東關南園建始無考明代府修碑存

國朝乾隆三年二十一年屢修

普化寺在南園道光三年重修

傅公祠在東關河神廟院內道光八年知府崔允昭建有碑文見藝文志太守未遇時肄業磁州書院適傅公以大同令擢磁州牧於諸生中識拔逾格矜獎備至期以大器故來守是邦卽建祠祀之所以表立雪之誼也傅公^名修廣東海陽人子玉林乙卯進士歷官吏部員外孫延燾乙酉舉人

大同縣志

卷五

營建

三十

地藏寺在西甕城

白衣寺在治西門外

三皇廟在南甕城內前代祀爲醫師元元貞初命郡縣通祀三皇太伏羲以勾芒配炎帝神農以祝融配軒轅黃帝以風后配黃帝臣俞附以下十人姓名載於醫書者並從祀有司於春秋二季行事而以醫師主之寶坻人劉元至元中塑上都三皇像極古粹見元史工藝傳今像或其遺制與

財神廟在三皇廟旁康熙初建秀水朱彝尊有記

極樂寺在南關明萬曆二十九年太谷縣人張月朮建

國朝順治六年寺燬康熙年間僧照寶成理相繼修葺乾隆二十

七年重修

龍福寺在南郭外本名千佛寺

國朝康熙三十二年修更名乾隆三十一年重修

興國寺在南郭外明萬曆乙未年建

國朝康熙六年總兵彭有德兵備道曹溶知府高光拱重修乾隆三十年又修

史公祠在南門外祀明巡撫史道

呂公祠在南關祀明知縣呂坤以上二祠久廢

以上四關

柳港寺在城東門外玉河橋南明正統間建內有水塔今廢

大同縣志

卷五

營建

三十一

元都觀在城東一里東塘坡創始無考明洪武二十九年代府修成化十三年重修巡撫李敏記宏治八年又修巡撫侯恂記嘉靖間兵燬二十六年重建長史高壁撰文三十三年修郡人蔣應奎記萬曆十三年重修碑俱存

國朝康熙十年總督馬之先知府蔡永華重修

地藏寺在城東北四十里採掠山萬曆六年重修乾隆三十年重修

碧霞宮在採掠山頂道光四年重修

關帝廟在城東七里茶坊一在城西北黃草梁一在城南十里河東茶坊一在西茶坊一在城西郝家寺一在城北孤山灣

凌虛觀在城東二十里鋪

金山寺在城東六十里金山東

昊天寺在城東六十里昊天寺山

湧泉寺在城東一百里湧泉南遼時初建明洪武年間重修

神泉寺在城東一百一十里神泉橋西

釋迦寺在城東一百三十里六稜山下明宏治十年重修

抬頭寺在城東一百二十里黃芽山鑿洞懸崖空中結構高險可

與七峯山之玉龍洞等埒

興國寺在城東南八十里殿山上唐時建

龍王廟在城南五里柳泉灣贈修職郎范維重修好義之士也

大同縣志

卷五

營建

三十二

北嶽行宮在城南五里附建魁星閣風神廟

黃籙觀

觀音閣

華嚴寺

千佛寺以上四寺俱在城西南四十里口泉山峪內

西巖寺在城西十七里武周山東由澗道盤折而上依巖壘石臺

殿宏麗明萬厯間修有碑記代宗鷗江詩寶地新開一徑斜橫

窻修竹映桃花又云社傍春城遠市廛長松倒挂綠蘿煙可想

見其勝槩

龍王堂在城西南三十五里卧龍山內

觀音堂在城西十五里佛字灣遼重熙六年建明宣德三年修萬
曆三十五年重修提學副使陳所學記碑存壁間小碣書大士
降妖事戶部分司吳伯興撰代宗朱廷雅刻石石屏二上刻心
經及天啟丙寅知縣王象雲欵識

國朝順治六年姜瓖變焚燬八年總督佟養量重建有碑記康熙
五十二年乾隆二十八年相繼修葺道光六年重修

卧碑殿在城西二十里武周山內

潤濟侯廟在城西北十五里雷公山禱雨輒應其建廟封號之始
無可考元皇慶初晉寧人雷時舉大同人趙翥重修宜君縣尹
輩鵠記

大同縣志

卷五

營建

三十三

雷音寺在城西北十五里上黃莊村北

望雲寺在城西七里茶坊康熙十五年修乾隆三十二年增修

南堂寺在城北七十里拒牆堡南 以上各鄉

附
陵墓

上古三皇墓在城南十五里王家莊見一統志輿地記山西通志
按史記補三皇本紀以太皞女媧炎帝爲三皇其說蓋本於帝
王代紀三五歷與譙周宋均之說不同通考太昊葬宛邱在陳
州女媧葬趙城縣東南在晉州炎帝葬長沙在潭州俱有地可
證一說天皇地皇人皇攷天皇氏兄弟十二人地皇姓十一人
立各萬八千歲人皇兄弟九人分長九州凡一百五十世合四

萬五千六百年今三塚相距乃數十步荒渺無稽尤不足深辨後世天皇地皇人皇之名見於遼史太祖元年上尊號曰天帝后曰地皇后天顯元年冊皇太子倍爲人皇王是也太祖陵在祖州述律后祔焉倍墓先在洛後改葬醫巫閭山俱與西京無涉惟北魏文明太后葬方山其東北卽高祖壽宮惠太后葬崞山府西北外有盛樂金陵廣靈縣東北五里亦相傳有金諸王墓或誤以爲魏金遺蹟爲遼之故塚又以遼天皇地皇之號遂指爲上古之三皇也歟

初皇墓一作岐王在城東北三十里孤山之北塚頭峻絕如山亦名岐王山考前史所載初岐諸王俱與大同無涉惟宋徽宗子

大同縣志

卷五

營建

三十四

謨封初王靖康中從帝北遷其葬處亦無考又攷北魏桓帝皇后初氏嘗攝國事時人謂之女國后史不言其葬所高宗興安二年發京師民穿天淵池獲桓帝葬母封氏石銘有司以聞蓋道武以前屢經播遷紀載闕畧雲中盛樂二陵外當時已往往失之疑初皇卽初皇后脫一后字耳史文曰女國后者猶言女國君故後人直謂之初皇理或如此

北魏文明太后墓城北五十里方山魏書太和五年起作八年而成十四年冬十月癸酉文明太皇太后葬此號永固陵水經注方嶺上有文明太皇太后陵陵之東北有高祖陵府志所謂北魏二陵也今其處未詳或曰初皇墓

唐段文昌墓府志云在城東八里東塘上唐人碑已剝落按文昌齊州臨淄人褒公志元三世孫卒於西川節度其先墓在荊州具見唐書本傳未聞其葬雲州也考段秀實之孫文楚咸通末爲雲州防禦使李克用引兵攻之死於鬪雞臺下唐書本傳沙陀傳及五代史唐本紀皆合蓋其時國昌父子構禍方亟文楚倉猝遇害不得歸葬汧陽固其宜耳昌楚音轉字訛踵誣襲謬若此之類當亟爲更正

金尚書沈璋墓城東百二十里沈家莊子彥祥孫思忠胥有碑見舊府志按金史沈璋傳璋字之達奉聖州永興人嘗官尚書禮部侍郎天德元年致仕卒永興爲今保安州地疑卽其人第史

大同縣志

卷五

營建

三十五

傳附載子宜中天德三年賜楊建中榜及第與府志彥祥不合安得讀碑而證之

耿氏三塚城西二十里失其名明一統志武周山下有耿氏三塚金皇統四年建塔父曰光祿子曰銀青孫曰昭勇

元丞相脫脫墓城東百二十里大旺村有碑記大同李氏其後也元史脫脫自雲南大理騰衝移置阿輕乞之地哈麻鳩之中書遣尚舍卿七十六至其地易棺衣以殮省志云騰衝阿輕乞在雲南徼外碑記未詳按本傳脫脫死八年監察御史張冲等上章雪其冤詔復官爵豈至是乃克返葬與然元史別有兩脫脫其一魯國王木華黎四世孫官至浙江行中書省其一爲康里

脫脫阿沙不花母弟也位至丞相爲名臣嘗居宣德別墅而興

和之天成阿沙不花土田在焉疑大王村之墓是康里脫脫府志

墓在城東百
里友宰村誤

集賢學士許子遜墓城東關外無榆坡上

參政杜唐卿墓在廢南堂寺前唐卿郡人官至浙江省參政

明代藩諸墓代簡王桂墓戾王遜熾墓隱王仕壘墓懿王俊杖墓

昭王充燿墓恭王廷琦墓定王肅鉉墓並在採掠山惠王成鍊

墓思王聰沫墓並在馬舖山又橋頭山獨角岡齊家山七里山

合和山亦代諸墓

布政郭紀墓在城南十里

大同縣志

卷五

營建

三十六

副使李翰臣墓在城西北三里

右通政劉文墓在城南舊府志誤
作劉翰林

主事王用中墓在城西北八里陳家莊石坊存

右布政張爾基墓在城西南七里周家店碑存

知縣李承弼墓在城東北八里

苑馬卿覃應元墓在城南二十五里馮家莊碑坊存

知縣李亨墓在城西北三里

都御史溫景葵墓在城東八里牛家莊前有碑記

郎中李一鶚墓在城南十里

侍郎王從義墓在城西北陳家莊石坊碑碣存

主事焦承光墓在城西

贈都督同知諡忠勇林椿墓在城東南蔡家莊東南碑存

總兵焦澤墓在周家店西

都督孫國臣墓在城南

大理寺卿諡忠愍何廷魁墓在左雲縣雲陽堡

都督李熙墓在城東

國朝主事張于德墓在陳家莊

遊擊全光英祖墓在城西五里周家店有石刻吳梅村先生墓

誌銘

提督楊鯤墓在城西南口泉道十里舖南

大同縣志

卷五

營建

三十七

提督霍昇墓在城西十里店神道碑存

總兵劉章子總兵問政墓並在城西寨坡村

總兵曾謨墓在城西南瓦窰道距城五里

總兵高鼎墓在城東南三十里黨留莊有

敕建石牌坊 諭祭碑

總兵魏麟墓在西門外七里望雲寺東石牌坊存

總兵史成墓在東關外東倉坡古城村之西距城四里

諭葬碑存

贈提督諡勇烈任舉墓在城東水泊寺前有

諭葬碑

提督史載賢墓在古城村北距城六里

神道碑存

提督史宏蘊墓在東倉坡真武廟南距城二里

神道碑存

鑾儀使畢暎墓在城西北八里雷公山前

副將魯明墓在西門外

孝子張光壁墓在城西十五里觀音堂西山上

提督李希僅墓在城東五十里老帥嶺

鎮國將軍麻公墓在城東八十里艾家窰石坊存

疑卽麻貴墓

懷遠將軍高公墓在城東六十里賀家店東昊天寺北

神道碑存

黃烈婦墓在城南郭外戴掌窰

總兵郭宏基墓在城西北賽坡村

